

دارالفنون

حقوق فائز و نثار محمد علی

مفروق ، اقتصادیات

ایکی آبرہ بر نثر اولنور

مندرجات

قسم مفوقی :

نسب حقندہ کی احکام قانونیہ مزہ بر نظر
 یکی نور کیا حقوق مدنیہ سی تدقیقاتہ مدخل ، صاوزه رمال (مترجمی) دانش سعید ، صدیق سامی
 یکی جزا قانون عزمہ کورہ صباوت
 صوچک و صوچلوک وحدت و یا تعددی
 عاقد لک حمایہ سی
 حاجی عادل
 باہر
 عبداللہ وہبی
 عبدالحق کمال

(نسب) حقنده کی احکام قانونیه مزه بر نظر

— ۱ —

نسبی صحیح و مبرهوفر

(۱) نسبك صحتی . De la filiation légitime

آ : صحت نسبك قریبیری :

نسب ، بری دیگرندن بلا فاصله نازل اولان ایکی شخصی برلشدیره ن قرابت رابطه سیدر . بو رابطه اکر هم طبیعت همده قانونه استناد ایدرسه صحیح ویا مشروع نسب ؛ اکر یالکز طبیعته استناد ایدرسه غیر صحیح ویا غیر مشروع نسب ؛ و اکر منبعی یالکز قانوندن آیرسه تبنی طریقله نسب صورتنده اوچه تقسیم اولونه بیلیر .

مشروعیت نسب ، نکاح قائم ایکن واقع اولان حملك نتیجه سیدر . بو نکاح دیلرسه صحیحاً منعقد اولسون ، دیلرسه شرائط قانونیه بی مستجمع اوله رق انعقاد ابتدکی حالدہ بالاخره فسخ وابطال ایدیلمش بولونسون . مع هذا اولیلک خارجنده دوغان چوجوقلردخی (۲۴۷) نجی و (۲۴۹) نجی ماده لرده معین ایکی حالدہ نسب لری نك مشروع علاشدیرلمسی ادعا ایدہ بیلیرلر .

والده جهتندن نسب ، کافی درجه ده قطعیتله قابل اثباتدر ، فقط بابا جهتندن نسبی اثبات قولای برشی دکلدرد . بونی تثبیت ایتدیره بیلیمک ایچون چوجوق ، نکاح قائم ایکن باباسنک صنعيله والده سنک کندیسنه حامل قالدیغنی اثبات ایتک مجبوریتنده در . - اولیلک خارجنده دوغان چوجوقلرك تصحیح نسبی کیفیتنی بالاخره تدقیق ایدہ جکمز ایچون حالاً اونی بحتمزدن خارج طوتیورز . - فقط بو ، اولیه بر حادثه درکه اونک مادی بر صورتده اثباتی همان غیرممکندر . شو حالدہ یا حاکمه بو خصوصده واسع برصلاحیت تقدیریه ویره رک هر حادثه ده آنک تدقیق وقناعتنه مستند اولان قراريله اکتفا ایتک ویا خود قانونی برطاقم مدتلر تأسیس و حملك بو مدتلر آره سنده حاصل اوله جغنی فرض ایدہ رک اکابنای حکم ایلک لازم کله جکدر . بو کونکی تقنین برنسیپلری ایکنجی شقی قبول ایدیور .

بناءً عليه مشروع نسیك ثبتنده نظر دفته آله حق کیفیت ، نكاحك قیامی و حملك اقل واكثر مدتلك تعیینی در . چونكه برچوجوغلک باباسنه نسبتی تعیین ایده بیلیمك ایچون ظاهرآك بارز و مقنع دلیل و علامت ، حملك نكاح قائم ایکن بو مدتلك ایچنده ظهور و چوجوغلک تولدیدر .

بر عائیهی نسلأ بعد نسل صورت مشروعه ده دوام و تسلسل ایستدیره بیلیمك ایچون دنیاك بوتون قانونلری نكاحدن صوكرآکی عائله دوغوشرلنده چوجوغلک عائلهیه نسبتی تأمین ایده بیلیمك اوزره مدت حمل و احتبالی نظراعتباره آملشر و عائله سلسله مشروعه سنك باغ نقطه لری اولان بو مدتلكی تثبیت ایدرهك ، خلاقی مساع قانونی ایله ادعا و اثبات ایدمكجه ، بومدتلك ایچنده دوغان چوجوغلری حمایه ، حتی بابا و آناسی و اقرباسی راضی اولماسلر بیله ، نسبئی قانوناً اثبات ایله محافظه و مدافعه ایلشلسلردر . دوغان برچوجوغلری عائله رابطهمسی خارجنده بر اقامق ، مع هذا عائیهی مشرووع رابطهلرله متحد و متساند بر موجودیت حالنده تحقق ایستدیرمك جمعینك سلاامت و منفعتی نامنه قانونك اك بویوك وظیفه سیدر .

یكی قانون مدنیك (۲۴۱) و (۲۴۳) نجی ماده لرنده حملك اقل واكثر مدتی تعیین اولوندیغدن (احتمال) مدتی ده بوآرده تثبیت ایتك پك قولایدیر . (۳۰۱) نجی ماده یه ده باقیكز ! . بو ماده لره توفیقاً حملك اك آزمدتی تام یوز سكسان کون واك چوق مدتی تام اوچیوز کون در . چوجوغلک دوغدیغی کوندن باشلایه رق کرییه دوغری تام یوز سكسان کون صایدقدن صوكرآ یوز سكسان برنجی کوندن اعتباراً اوچیوز کون تمام اولونجه یه قدر كچه جك اولان تمام یوز یكرمی کون دخی مدت احتبال در . بر چوجوغلک مشیمه رحمه سقوطندن اعتباراً آلتی آی تمام اولمدیجه تولدی عاده ممتنع اولدیغنه کوره نطفه نك رحمه سقوطی ایچون یوز سكسان برنجی کونی مبدأ اتخاذ ایتك طبیعی اولور؛ برچوجوغلک رحم مادرده اكثراً اوچیوز کوندن زیاده قالا مایه جفی فنا متحقق اولدیغنه کوره ده نطفه نك رحمه سقوطی یوز سكسان برنجی کوندن باشلایه رق نهایت اوچیوز کونه قدر دوام ایدن یوز یكرمی کون ایچنده وقوعولمش عد ایلک ضروری اولور [۱] .

[۱] بورجلر قانونك (۷۶) نجی ماده سی موجبجه مدت ، کون ایله تعیین اولونمش ایسه بورج ، عقدك انعقاد ایستدیکی کون صایلمایه رق مدتلك صوك کونی معجل اولور . قانونك بو حكمی ، مدله مقید اولان بالعموم مسائله مابه التطبيق اولور . ذاتاً قانون مدنیك (۷) نجی ماده سیده عقودك

بومدترك اك صوك وفنى ايستاستيقلره درجه مطابقتى قابل مناقشه در. چونكه مدت حملك اقلنى ۲۴۰ واكثرينى ۳۲۰ كون وحتى ۲۲۰ و ۳۳۴ كون اعتبار ايدن متخصصلر موجود در. مدت حملك اقلى، روما واسلام حقوقنده (۱۸۰) كون اوله رق تثبيت ايدلمش وهان همان بوتون دنيا قانونلرينه كيرمشد. اكثر مدت اولان اوچيوز كوندن فضله سنه كلنجه واقعا بوده نادراً تخالف ايد بيليور، الده موجود ايستاستيقلر برچو جوغلك اوچيوز كوندن صوكرا (حتى دها اوتوز درت كون) رحم مادرده قالايلديكنى كوسترييور. فقط نادره قيمت ويره رك حملك اعظم مدتى عمومى بر قرينه حالده بر آز دها تزويد ايديله جك اولسه بالخاصه زوجك وفاندن صوكرا رحمه دوشن چو جوغلك خلاف واقع زوجلره نسبتى اونسبتده تسهيل قلنمش وانسال مشروعه شبهه وتردده اوغرادلمش اولور كه بونك محذورى مستغنى بياندر.

مع هذا قانونمز بواصلى تثبيت ايتمكه برابر احوال استثنائية ده عكسنى ادعا ايد بيلمكى ده منع ايتمش دكلدر. (۲۴۱) نجى ماده دييور كه :

« اوليك موهود ايكن وبا زوالنده اعتباراً اويوز كونه اينجده دوغانه ميرموغلك باباسى، قوجاير. بومرت كيركده صوكرا، اصل اولده، دوغانه ميرموغلك نسي صحيح عد اولونماقده. »

آلمان قانوننك (۱۵۹۲) نجى ماده سنه نظراً چو جوغلك حين تولدن اعتباراً (۱۸۱) نجى كون اولكى زمانله (۱۸۱ داخل) (۳۰۲) نجى كون اولكى زمان آراسنده (۳۰۲ داخل) كچن مدت، مدت احتبال عد اولونور. كوريليور كه آلمانده اعظم مدت حمل اوچيوز ايكي كون اعتبار اولونمشد. مع مافيه احتبالك، چو جوغلك حين ولادنن اعتباراً كرى يه دوغرى اوچيوز ايكي كوندن فضله بر زمان اول وقوعبولدينى اثبات ايديله جك اولور ايسه اشبومدت دخى چو جوغلك مشروعتى لهنه مدت احتبال تاقي اولونور. قانونمرك (۲۴۱) نجى ماده سنك صوك فقره سى اصلنده اوچيوز كون صوكرادوغان چو جوغ مشروع فرض اولونماز، متنده در. واضع قانونمز بوجهلنى (اصل اولان نسي

انعقادينه وحكملرينه وسقوطى سبيلرينه تعلق ايدوب وجيبه لر قسمنده بيان اولان عمومى قعده لرك مدنى حقوقك ديكر قسملرنده دخى جارى اوله جغنى كوسترييور. شو حالده حل واحتبال كونلرينى حساب ايدر كن ب. ق. (۷۶) نجى ماده سنى نظر اعتباره آلتى هم مقصد قانونه همده مولودك منفعته. وفاق اولور.

صحيح عد اولونما قدر) صورتنده ترجمه ايتمشد. هر ايکي متندن استدلال ايديلن معنا ، آلمان قانوننده تصریح ايدلديکی وجهله ، خلافك قابل اثبات اولماسيدر . واقعا اوچيوز کونی کچه جک بر حمل ، طبعی وقابل هضم وقبول بر حمل دگلسده ، بر چوجوق کنديسنک تولدینه تقدم ایدن اوچيوز کوندن فضله بر مدت رحم مادرده قالدیغنی اثبات ایده جک اولورسه بونی ده قبول ایتک لارم کلیر . فقط بو اثبات واقع ومشروعیتی حقوقاً متحقق اولمادجه اونی برطبعی اولاد تالی ایتمکدن باشقه چاره من یوقدر .

فرانسه قانوننک (۳۱۵) نجی ماده سنه نظراً نکاحک زوالندن اوچيوز کون صوکر ا دوغان چوجوغلک مشروعیتی انکار اولونه بیلیر . ماده نک بو شکله تدوینی ، اوچيوز کوندن صوکر ا دوغان چوجوغلک سکوت ایله مشروعیتلرینه امکان براتیق ایچوند . بررأیه کوره اوچيوز کون کچه کدن صوکر ا محکمه به مراجعت اولونورسه حاکمک یا پاجنی شی ، یالکز حقیقه بوقدر کون کجوب کچه دیکنی تبیت ایتمکدن عبارتدر . دیکر بررأیه نظراً غایت مهم اسباب فیه حیلولتیه تولدک تأخیری ده موضوع بحث اولابیلیر . مع مافیه برنجی رأیک طرفدارلری ده ا چوقدر .

بزینه قانونمزه رجوع ایده لم: یوقاریده عیناً درج ایتدیکمز (۲۴۱) نجی ماده مشروع برابروتک وبابیه منسوب برنسبک نه کی احوالده ثبوتی (مفروض) اولدیغنی کوستریبور . [أولیک موجود ایکن دوغان چوجوغلک باباسی ، قوجادر] جمله سندن استدلال ایدیورز که قانونمزه کوره مشروعیتک اساسی برنجی درجه ده (احتبال) دکل أولیک موجود ایکن وقوعبولان (تولد) در . أولیکدن اول واقع اولان احتبال ، آنجق رد نسب دعواسی نقطه سندن نظر دفته آلیر و آتیا کوریه جکی وجهله فی الحقیقه أوله نه عقدندن اعتباراً یوز سکسان کوندن آز برمدته دوغان چوجوغلک نسبی پک قولایقله رد وانکار ایدیه بیلیر . اکر حمل ویا احتبال مشروعیتک اساسنی تشکیل ایتسه ایدی بوقدر سهولته رد نسب جواز کوستریله مک لازم کلیردی .

مع هذا أولیک موجود ایکن دوغان چوجوغلک مشروعیتی ده اصلاً قابل مدافعه اولمایان برماهیت عرض ایتمز . اوده رد وانکار دعواسنه معروض اولابیلیر ؛ ایسترسه چوجوق نکاح قائم ایکن رحمه دوشمش اولسون ، دیلرسه نکاحدن اول رحمه دوشمش وازدواجدن صوکر ا دوشمش بولونسون ، پدر ، بالطبع بعض قیود وشراط آلتنده قانونک تبیت ایتدیکنی باباتی فرضیه وقربنه سنی اسقاط وچوجوغنی رد ایده بیلیر .

ب : نسب ردی (I) قوجا طرفندن (۱) ردك مدتی

قانونی فرضیه لرك قطعیت افاده ایدہ میہ جکئی تبیین ایچون (۲۴۲) نجی ماده شو حکمی وضع ایدیور :

« قوجا درغریفه مطلع اولدیغی کونده اعتباراً برآی ایچنده جو جوغی رد ایدہ بیلیر .
رد دعواسی جو جوغی ایدہ آناسی علیه اقامه اولونور . »

شایان دقتدر که قانونك تأسيس ایتدیگی ابوت قرینه سی ساده جه بابانك رد وانکار یله اسقاط ایدیویورده من . بعض حادثه لرده فی الواقع بابا باشقه هیچ برینه اقامه سنه مجبور اولمق سزین چو جوغی رد وانکار ایدہ بیلیر سده (۲۴۴) ردك حکم افاده ایدہ بیلیمسی مطلقاً حکم حاکمه اقتران ایتمه سنه وابسته در . برده رد وانکار نسب صلاحیتك استعمالی مدتی ده ضروره تحدید ایدلمشدر . رد نسب دعواسنك حادثه حمله هیچ بر صنی و مدخلی اولمایان بر چو جوغك بالنتیجه موقع اجتماع سی محو و بر باد ایتمی و اثبات مدعی صیره سنده محل عصمت وقایعك تشهیری دولایسیله ناموس عائله یی مضحل و پریشان ایلدی غیر قابل انکار اولمقله برابر بر چو جوغك بغیر حق کندیسنه نسبتی پدرك رد ایدہ بیلیمسیده قابل مناقشه اوله میه جق بر ضرورتدر . آنجق بو دعوائی اقامه ایدہ بیلیمك امکان و صلاحیتی باشقه دعوالرده اولدیغی مثل و اوزون مدت لر ایچون قبول ایدیله جك اولسه نتایج ملحوظه نك دهشتنی در پیش ایدن زوجك سنه لرحه حضور و راحتدن محروم اوله رق شبه و تردد ایچنده یاشامسنه امکان بر اقیلمش اولاجنی کی دعوانك ذاتاً بك رقیق و دقیق اولان دلائل و اسباب ثبوتیه سی مرور ایام ایله قوتی ضایع ایتمه كه و محو اولمغه بك مساعد بولوندیغندن هر طرفك حضور و امنیت بر آن اول اعاده و تقریر و وضعیتی تعیین ایلک لزومی بو حادثه ده قیصه بر دعوا مرور زمانی قبولنه سائق اولمشدر . بومدت ولادته اطلاع کونندن اعتباراً بر آیدر . واضع قانونمز بو خصوصه اسویچره واضع قانونندن دها قطعی داورانمش ، اوج آیلق مدتی قبول ایتمه مشدر . ولادتك وقوعه ، زوج طرفندن در میان اولان وقوف تاریخنندن دها چوق زمان اول زوجك واقف بولوندیغی ادعاسی مدعی علیه طرفندن بالمقابله در میان اولونورسه بویله بر وقوفك اثباتی لازمدر . اگر زوج برآی ایچنده دعوا اقامه ایتزه فراغت عد ایتمش اولونور . نصل که صریحاً واقع اولان فراغتی دخی دعوانك

سقوطه سبب اولور (۲۴۶) رد ونفی نسب ادعای آداب عمومی و انتظام عامه ایله علاقه دار بر دعوا اولوق حیثیتله مدعی عمومینک داخل دعوا اولمسی استلزام ایده بیلیر ، فقط [۲۴۵] نجی ماده ۱۰۱۱ فقرة سی مستثنا اولوق اوزره] مدعی عمومی قوجانک مقامه قائم اوله رق رد نسب دعواسی تعقیبه صلاحیتدار اولاماز .

ماده ۱۰۱۱ فقرة سی موجبجه رد دعواسی چوجوق ایله آناسی علیه اقامه اولونور . چونکه رد نسب دعواسنده احضار و درمیان ایدیلن دلائل و وثائق ثبوتیه دوغریدن دوغرییه والدهیه ده استهداف ایدر ، تعبیر دیگرله بر چوجوغک نسبیه انکار ایتک اولنک والده سنک عفت و عصمتیه ده انکار دیمک اولور ؛ بناء علیه والده کندی عصمتی مدافعه ایدر کن هر کسدن زیاده کندنجه معلوم اولان اسباب و دلائله استناد ایدره رک اولادینک ده مشروعیتی اثبات مدافعهیه شتابان اولور . بو جهته والدهنک داخل دعوا ایدلمسده شخصی و اولادی و حقوق عمومییه نامنه فائده و منفعت واردر .

نسبی رد اولنان چوجوق صغیر ایسه طرف حا کمدن کندیسنه صورت مخصوصه ده و مسأله ۱۰۱۱ اهمیت و تراکتی ادراک ایده جک قابایتده برقیم نصب و دعوا بو قیم ایله والده سی علیه اقامه اولونور . ۳۷۶ نجی مادهیه باق !

رد نسب دعواسی ، قوجانک اقامتگاه محکمه سنده اقامه اولونور . مع مافیه مدعی عامک اقامتگاه محکمه سنده اقامه سی ممکندر .

(۲) اولیلک موجود ایکن دوغان چوجوغک قوجا طرفندن ردی :

قانونی قریبنه قارشی قوجانک حق ردینی تأمین ایتد کدن صو کرا قرینه لرک قوتنه کوره رد حقنک ده استعمالی قولای و یازور اولور . نکاح قائم ایکن تولد بابالغه بویوک و قوتلی بر قرینه اولمقله برابر فضله اوله رق شوتولد ازدواج تاریخندن اعتباراً الک آزیوز سکان کون صو کرا واقع اولور سه بابا دوغان چوجوغی رد ایده بیلیمک ایچون چوق قوتلی دلیللر اقامه ایتک مجبوریتنده در . عکس تقدیرده چوجوغک عدم مشروعیتی هیچ بر کیمسه طرفندن موضوع بحث ایدیه من .

ایشته بو حکمی ثبیت ایچون قانون مدنیز (۲۴۳) نجی ماده سنده دییور که :

« قوما اولنر کیمه الک آن بوز سکه انه کوره صو کرا درغانه جومرغک کنر بسنده ادعای احتمالی برلر ندر یفی اثبات ایتد کجه جومرغی رد ایدره من . »

واقعا مدت حملك يالكز ا كثرى نظر اعتباره آلنيرسه تاريخ ازدواجدن اعتباراً يوز سكسان كون تمام اولور اولماز تولد ايده جك چوجو غك زوجه منسوب اولمامسى احتمالى موجوددر. فقط مدت حملك اقلى ده تأمل ايديليرسه مدت احتبالك ايلك كونلرنده نطفه نك رحم مادره سقوطى احتمالى عيى نسبتده متيقن در. نسبى اضاعه ايمه مك انديشه سى - فنى و واقع اولمق شرطيله - احتمالاتك صغير لهنه اعمالنى ايجاب ايتديرديكندن بويله برچوجوق حد ذاتنده تمام آلى ايلق بر حمل حالنده دوغانش و آن ولادتندن اعتباراً كرى يه دوغانى تمام يوزسكسان برنجى كون - كه يوم ازدواجدر - رحم مادره دوشمش فرض اولونور. شو حادثه مزده چوجو غك مدت احتباله يالكز بر نك كون تماس ايمسى ، مشروعتك اثباتى ايجون كافيدر .

كذلك تاريخ ازدواجدن اعتباراً اوچيوزكون ودها صوكرا دوغان چوجو غك نسبى ينه زوجندن ثابت اولور . بوبابدهده هيچ بر كيمسه نك ادنا مرتبه شبه و ترددينه مساغ يوقدر. چونكه نكاح قائم وزوجين آراسنده معاشرت دائم ايكن تولد ايدن چوجو غك ثبوت مشروعتنده ابوينك تاريخ ازدواجنه نظراً يالكز مدت حملك اقلى نظر اعتباره آلنيرسه ده مدت حملك ا كثرى موضوع بحث اولماز .

ايمدى فرضيه مزك هرايكى تقديرينه كوره دوغان چوجو غك باباسنك محصول احيالى ونسب مشروع ايله اولاديدر .

اكر زوج بويله بر چوجو غى ده رد ايتك ايستيورسه بابالغك على العاده بر انكارى ويا يالكز قانونى قرينه نك كسب ضعف ايتمش بولونمى ، - مثلاً ولادت اولنه تاريخندن اعتباراً يوز سكسان بش كون صوكرا واقع اولديغى حالده چوجو غك انكشاف جسمانىسى رحم مادره سقوطى زماننك ده اول اولديغى كوسترمى كى - كافى كلز . كندى پدرلكنك ماده حصوله امكان اولماديغى ، قانونمرك متنه كوره (دوغان چوجو غك كنديسندن اولمى احتمالى بولونماديغى) اثبات ايتك مجبوريتنده در . فى الحقيقه قانونى قرينه لره استناد ايده رك مشهود و عيان اولان بر واقعه يى كور كورينه ستر واخفا قابل و جائز اولامازسه ده بو قرينه لر قوتلندكجه خلافيه واقع اوله جق ادعا نك ده او نسبتده قوتلى برهانلره استناد ايتديرلمى امر ضروريدير . حتى والده نك ، چوجو غك زوجه عائد اولماديغى سويلمى ، كندى باشنه ، نسبك پدردن ثبوتنه مانع بر دلبل تشكيل ايده مز . فقط پدر احتبال مدتى ظرفنده والده ايله برلكده بيتوتك مادي عدم امكانى اثبات ايدرسه

اووقت مسأله نك رنكي دكشیر: نكاحك دوامی و چو جوغك اوله ننه عقدندن یوزسكسان
كون چكدكن صوكراتولدی كبی قانونی قرینه لر موجود ایسه فن سایه سنده تعین ایدن
مدت احتیال ایچنده کلیاً و تماماً زوجهدن منقطع بولونمق حالنك ثبوتی شو قرینه لری
ضرورتاً چوروده جك بر حادئه ماده در . مثلاً زوج و زوجهنك آری آری مملكتلرده
مقیم بولونقلری و مدت احتیال ظرفنده یكدیكری اصلاً كورسدكلری؛ یاخود برینك
ویا هریكینك محبوس ویا برخاسته خانه ده تحت تداویده بولوندیغی ویاخود مادی برطاقم
قضالك ویا آغیر خاسته لقلرك ایجابی اولمق اوزره موقت ویا دائمی قطعی بر عدم اقتدارك
مدت احتیال ظرفنده مستمر بولوندیغی اثبات ایدیله بیلیرسه آرتق نقدر قوتلی اولورسه
اولسون فرضیاته استناد ایتكه امکان قالماز .

فرانسه حقوقنده بونقطه ده برده مشترك بیتوتنك معناً امکانسزلنی تدقیق اولونمشدر .
قودسیویلک (۳۱۳) نجی ماده سی موجبجه زوج، دوغان چو جوغك ولادی کنديسندن
کیزلش اولورسه زنا سبيله نسبني ردوانكاره صلاحیتداردر . واقعا زوج اول باول زنا بی
اثبات و بوبابده بر حکم استحصال ایلک مجبوریتنده دکلدر ، مادام که چو جوغك ولادی
کنديسندن کیزلشدر قادینك زنا ایتدیكنی دوغریدن دوغرییه و صورت مخصوصه ده
اثباته حاجت یوقدر؛ فقط فرانسه محكمه تمیزینك یکی بر اجهت ایدینه نظر آزوجك پدر اولمادیغی
اثبات ایچون در میان ایده چکی مادی دلیللك هیأت مجموعه سندن زنا مثبت بر شکله
استنتاج ایدلش بولونه جقدر . شو حالده قوجایه بابالق اسناد اولو بامایه جنی ده عینی زمانده
ثابت اوله جقدر . مع مافیه زوجك بابا اولمادیغی اثبات ایتسی بالضروره والدهنك زانیه لکنی
اثباته موصل اولور . - چو جوغك کنديسندن کیزلديکی دوغریدن دوغرییه اثباتی
لازم اولان بر موضوعدر ، پدر بونی اثباته مجبوردر .

(کیزله مک) کیفیتي تماميله حاکم لرك تقدیرینه براغیلمشدر . وضع حمل محملنك کیزلی بر
أو اولمسی ، خانه بدردن باشقه کیزلی برأو استیجار واوراده بیتوت ایدلمسی وسائره کبی
اسبابی محكمه کمال حریتله تقدیر ایدر . ماده ساکت اولمقله برابر فرانسه ده کبه لکك
ستر و اخفاسنه چالشمق دخی طبقی ولادی کیزله مک کبی رد ونفی نسبه سبب تشکیل
ایده بیلیر . فرانسه ده بویله بر حادئه ورثه مورثلری نامنه چو جوغی نفی وانكار ایده بيلمك
ایچون هم زنا بی هم ده اخفا و اغفالی وعینی زمانده کبه لکك مورثلرینه عطفی امکانسز

بولوندیغنی اثبات ایتک مجبوریتندہ درلر . - مع مافیہ ایلک ایکیسنک اثباتی اوچونجیسینده برابر سوروکلر - یو صورتله معنوی عدم امکانه استناد ایدہ رک نسبنی رد وانکار ایدن زوج، یالکز کندی بابالغنک وارد اولمادیغنه دائر اولان دلائلی درمیان ایدہ بیلیر یوقسه چوجوغنک حقیقی باباسی حقنده سرد دلائله مساع کوسترلز .

فرانسه ده قسماً قانونه کیرن بو احوال یعنی یتوتت مشترکهنک معنوی امکانسزلی اسویچره نك و بزم قانونلریمزہ نظراً رد نسبک دلائل واسباب کافیه سندن عد اولوناماز . قادینک زناسی و کبه لکنی و وضع حملی کیزله مسی اولسه اولسه قانونمژک آرادینی مادی امکانسزلی تأیید و تقویه ایدن قرینه لردن معدود اولور .

واقعاً قانونمزه کوره [چوجوغنک کندیسندن اولماسی احتمالی بولونمادیغنی] اثبانه قالدیشیر کن زوج ، زوجهنه صراحةً مناسبات غیر مشروعه عطف واسناد ویا اخلاقی و معنوی هر هانکی بر سبب درمیان ایدہ بیلیر ، فقط بو اسباب رد نسبہ حکم ایچون باشلی باشنه کافی کوریلہ مز . مقدمه بینه ماهیتندہ مثلاً زوجهنسک کبه اولدیغنی ویا چوجوق دوغوردینی کندیسندن صاقلانمش بولوندیغنی درمیان ایتسه بیلہ قیعی قابل انکار اولمایان بوقرینه لرہ مقارن اولق شرطیلہ مادی ، یعنی کندیسیلہ زوجہ سی آراسنده مناسبت جنسیه وقوعه مانع دیگر اسباب معقوله و مقبولہ بی ده بیان ایتک مجبوریتندہ در . الحاصل زوجک نسبی کندیندن رد ایچون درمیان ایدہ بیلہ جکی مادی اسباب قانونمژده مفردات ایله تعیین و تصریح ایدلمه مشدر ، زنانک ده بو اسباب آراسنده اتیان اولونمسی قابلدر و وقوعیده اولسه اولسه کبه لکنک و حملک صاقلانمش اولمسی قرینه لرینه مقارن اوله رق مناسبات غیر مشروعه نك اثباتی صیره سنده استدلال اولونه بیلیر ، فقط نسبی رد ایدہ بیلیمک ایچون همه حال وقوع زنا بی دعوا و اثبات مقصود و ضروری اولمایوب زنا سببیلہ طلاق دعواسی ده رد نسب دعواسندن بوسبتون مستقل بر دعوا و حادثه اولق حیثیتله آنک صور ثبوتیه سی بونک حکمنده همه حال مؤثر اوله ماز .

حق شارحلردن کورتی فوره در اسویچره متذک [آنحق پدر اولماسی احتمالی بولونمادیغنی اثبات ایتدکجه] فقره سنده کی آنحق کلمه سی اعمال ایدہ رک دیگر اثباتلرک ممنوع اولدیغنی سویلیور . « مثلاً قادینک زنا بی اعتراف ایتسی و وقوعنک ثبوت بولمسی رد نسبہ کافی دکلدیر . »

ینه بو مؤلفك نقله كوره مشابھت وجهیه نك وجود و یا فقدانی نسب ایچون کافی بر دلیل تشکیل ایده مز. فقط زوجك بابا اولمسنده کی امکانسزلغنی اونکله چوجوق آراسنده کی عرق عدم مشابھتدن استنتاج ایتك قابل اولابیلیر. مثلاً چوجو غك عرق اسوده منسوب برسجه و مشابھت ارئه ایتمی کی .

دوغدیغی صیره ده چوجو غك جسماً انكشافی درجه سیده نظر اعتباره آلمق لازم کلیر . مثلاً قادین اوله ننه تقدندن اعتباراً (۱۹۰) نجی کونده اون آیلق بر چوجوق دوغورمش ایسه بوده رد ایچون اسباب ثبوتیه دن معدود اولور . فقط قانونی قرینه نك بو صورتله کسب ضعف ایتمی کافی کلز نکاح دن اولده زوجین آراسنده بر مناسبت جنسیه وقوعی غیر ممکن بولونمش اولق لازمدر .

فرانسه قانونه نظراً زوج ، طبیعی عدم اقتدار ادعاسیله چوجوغی رد ونسبنی انکار ایده مز . بویله بر سبب فعل اصلی نقطه سندن درجاتی تعیین پك اینجه ونازك مسائلدن اولمسیله مستقل بر سبب رد عدی جهتنه کیدیله مەك دوغریدر .

شارحلر یالکیز بر قضا نتیجه سی اوله رق قناً ثابت ومتحقق اولان عدم اقتدارك اثباتی اوزرینه رد نسبك جوازینه طرفدار اولیورلر . رد نسب نقطه سندن (اثبات) مسأله سی مدعینك چوجوغه بابا اولابیلیمسك مادی امکانسزلغنی اظهار ایدن احوال وشرائطی تثبیت ایتمی اعتباریله ، مسائل فعلیه دندر . یعنی حاکمرك بو خصوصه سر بست صلاحیت تقدیریه لری واردر . فقط تثبیت اولان بو احوال وشرائطك (۲۴۳) نجی ماده منظوقه موافق اوله رق کافی اولوب اولمادیغنی تحری ایتك ایجاب ایدیورسه بو نقطه ده (اثبات) مسأله سی مسائل حقوقیه دن اولور وبالنتیجه محکمه تمیزك تقدیرینه تابع بولونور .

حاکم لمیزك فرضیات قانونیه مخالف اوله رق واقع اوله حق ردنسب ادعالرینی مسأله نك نزاکتی ایله متناسب بر اهمیتله تاقی وتدقیق ایده چککرنده شبهه یوقدر .

فرانسه قانوننك (۳۱۲) نجی ماده سنه نظراً حال ازدواجده رحمه دوشن چوجو غك پدری زوجدر . مع مافیه زوج ، چوجو غك تولدینه سبقت ایدن اوچ بوزنجی کوندن اعتباراً بوز سکسانجی کونه قدر کچمش زمن ظرفنده - یعنی مدت احتیال ایچنده - غائب اولدیغنی ویا اسباب مجبره دن ناشی زوجیه سیله یتوت امکانسز ائده بولوندیغنی اثبات ایده رسه چوجو غك کندینه نسبتی انکار ایده بیلیر . حال غیوبت ، ولادته سبقت ایدن اوچ بوزنجی کوندن باشلامش وآنحق ولادتدن (۱۷۹) کون اول اتقطاع بولمش اولمیدر . تعبیر دیگرله برلکده یتوت امکانسزلغنی تام (۱۲۱) کون دوام ایتش بولونمیدر .

حال غیوبت (مطلق) اولوب حاکمک تقدیرینه براغیلمشدر. هر حالده (احتیال) واقع اولابیله جک بر زمان ظرفنده زوجینک یکدیگره یا قلاشمسی امکانی منسلب اولاق شرطدر. زوجک یوز آلتمش کیلو مترولق بر مسافنده بولونمسی، مادی امکانسزلق ادعاسنه وسیله تشکیل ایدمه مشدر. آیری مسکنلرده، یکدیگره یقین آیری شهرلرده بولونمق رد ایچون اسباب کافیه دن عد ایدلمه مشدر. زوج محبوس ویا تحت تداویده ایسه - زوجه سی ایله بولور لحظه یالکیز قالدینی ثابت اولماق شرطیله - امکانسزلق ثابت اولور.

آلمان قانونک (۱۵۹۳) نجی ماده سنه کوره: نکاح اثناسنده ویا نکاحک انفساخندن اوچیوز ایکی کون صو کرا کی زمان ظرفنده دوغان چوجو غک مشروعیته، زوج طرفندن رد وانکار اولونمادجه ویا زوج حق رد وانکاری اضاعه ایتیمکسزین وفات ایتیم بولونمادجه اعتراض اولونماز.

(۳) اوله نمه دن اول ویا آیریلق حکمندن صو کرا آنا رحمته دوشن

چوجوق نسبک قوجا طرفندن ردی :

بوندن اول تدقیق ایتدی کمز حادثه ده نسبک ردی موضوع بحث اولنان چوجوق، نکاح قائم ایکن تولد ایتیم اولمقله برابر فضله اوله رق شو تولد، اوله نمه عقدندن اعتباراً اک از یوز سکسان کون صو کرا واقع اولمشدر. بناء علیه بابا بویله بر چوجوغی رد وانکار ایدمه بیلمک ایچون قوتلی ومادی دلیلله استناد ایتیمک مجبوریتنده در. فقط (۲۴۴) نجی ماده موجبنه :

« هر چه غک اوله نمه عقدنده اعتباراً یوز سکسانه کونده از بر منته در غدیفی یا ضرر قادیلک که قالدیفی زمانه قوجاسنده آیریلقه حکم ایدمسه اولدیفی نبین ایدسه قوجا، رد دعواسنده باشقه ینه اقامه سنه مجبور دکلمر. »

شوقدر که قادیلک که قالدیفی زمانه قوجاسیله برلکمه اقامتک تحققی مالنده اصل اولاده ینه نسبک صحتدر. »

کوریلور که بو حادثه ده رد نسبک اثباتی ایکنجی فقره ده کی حال مستثنا اولمق اوزره، زوجک انکارینه مقصور قالیور. بابالق قرینه سی بوراده آرتق اوقدر ضعیفدر که اونی آنجق زوجک سکوتی احیا وادامه ایدمه بیلیر. ینه کوریلور که بو حکم بوتون قوتی،

(مدت احتیال) قرینه سنك سقوطندن آلبور. واقعا ازدواج تاریخندن اعتباراً یوزسکسان کون یکمزدن اول دوغان چوجوغك نکاح ایله زوج و زوجه آراسنده رابطه مشروعیت تأسسندن اول رحم مادری دوشدیکي ظاهر در. حالبوکه (۲۴۱) و (۲۴۳) ماده لرله تأسیس اولونان قانونی قرینه لرده رابطه نکاحك احتیال مدتیه مقارنتی حاکم اولمشدیر. ازدواج تاریخندن اعتباراً مثلاً یوز طقسان کون صوکرآ دوغان چوجوغك چونکه حملك اقل مدتی ۱۸۰ کون اولدیغندن - ازدواجی تعقیب ایدن اون کون ظرفده رحم مادری دوشدیکي مفروضدر. بناء علیه بوجوجوق رابطه نکاح محصولیدر. واونی رد ایدیه بيلمك ایچون چوق قوی و مادی و قناعت بخش ادله و براهین ایله مجهز اولمق لازمدر. فقط زوج حضور حاکمه کلهرک زوجه سنك شویله برمدت ظرفده دوغوردیغنی و ذاتاً دوغان چوجوغك جسماً درجه انکشافه نظرآده حملك ازدواجه تقدم ایدن کونلرده و هر حالده یوز سکان کوندن چوق اول ویا آیریلیق حکمی کسب قطعیت ایتدکدن چوق صوکرآ رحم دوشدیکي اثبات ایدرسه رد نسب دعواسی قناعت بخش و مادی براهینله استناد ایتش اوله جغندن زوجك لهنه قرار اعطاسی ضروری اولور. چونکه ماده وفاقاً قانونی قرینه و فرضیه لرک جریانه و بناء علیه خلافك اثباتیه مساع و امکان قالمامشدر. - مع هذا قادینك که قالدینی زمانده ده قوجاسیله برلکده اقامت و بیتوت ایتدیکي ثابت اولورسه بو تقدیرده اصل اولان ینه نسب صحیدر. -

مدعی علیه اولان طرف، مدت احتیال ظرفده زوجك زوجه سیله معاشرت و بیتوت ایتدیکي اثبات ایدیه بیلیر. و بو نقطه ده پک قطعی و تام بر اثبات طلبنده بولونمق دخی بلکه معقول اولماز. مشترکاً بیتوتك Cohabitation ولو ظاهراً اولسون ثبوتی کافیدر. شو بیتوتك ویا قانونمك تعبیری وجهله [برلکده اقامتک] ولادت اوزرنده علت مؤثره اولدیغكده اثباتیه حاجت یوقدر. بناء علیه زوجك زوجه سیله مدت احتیال اثناسنده بیتوت ایتدیکي کافی درجه ده تحقق ایدرسه چوجوغك مشروعیت نسبی حقنده کی قرینه قانونیه ینه در حال حکمی افاده به باشلار. بو تقدیرده رد نسب، آنجق حال بیتوتك کندیسنی بابا یا بئمه اصلاً امکان بخش اوله میه جغك زوج طرفندن رد و جرح اولونه میه جق صورتده اثبات ایدیه بيلمسیله قابل و ممکن اولایلیر.

ماده نك برنجی فقره سنده و (که قالدینی زمانده) جمله سنده کی زمان momentك نصل تعیین اولونه جغنی آکلتیرکن کورتی فوردر دییورکه: بو زمان چوجوغك انکشاف

جسمانیسی درجه سینه کوره تعیین اولونور . مثلاً ولادت ۱ کانون اولده واقع اولمش فرض ایده لم، آریلق حکمیده کچن کانون ناینک اون بشنده کسب قطعیت ایتمش بولونسون . طبی وفی معاینه و تدقیق نتیجه سنده احتیال ایله تولد آراسنده (۲۹۰) کون کچدیکی ده آکلاشینجه والده نك هر حالده آریلق حکمنك کسب قطعیت ابتدکی زماندن صوکرآ مثلاً شباط ایچنده کبه قالدینی ثابت اولور .

(آریلق) دن مقصد دخی حاکم طرفندن حکم اولونانی در . (۱۳۸) یوقسه قاری قوجادن هر برینك مشترك حیاتك دوامی یوزندن صحقی شهرتی ویا ایشنك ترقیسی جدی صورتده تهلککبه دوشدیکی مدتجه آیری بر مسکن ایدینه بیلمسی صلاحیتك کندیلمکندن استعمالی (آریلق) دن معدود اولاماز . - مع مافیه خلافی ده اجتهاد ایدلمشدر . -

۲۴۲ و ۲۴۶ نجی ماده لرده کی مرور زمان مدتی اشبو (۲۴۴) نجی ماده موجبنجه اقامه اولونه حق رد نسب دعواسی حقنده ده جاری و معتبردر .

ماده نك ایکنجی فقره سنده و (قادرین کبه قالدینی) جمله سنده کی زمان époque یوقاریده حسابی یایدیغمز ۱۲۰ کونلك احتیال مدتی در . فقط بونك ایچون معین برکون لازم دکلدرد ، مدت احتیالک بر ویا بر قاق کوتی برلکده کچیرمك کافیدر . شبهه و تردد حالده حادثه بی چوجوغلک مشروعیتی لهنه تفسیر ایتمکده موافق اولور .

فرانسه قانونه (۳۱۴) نظر آده یوز سکسانجی کوندن اول دوغان چوجوق زوج طرفندن رد وانکار اولونه بیلیر . یالکیز شو احوالده حق رد مرتفع اولور :

۱ - اگر زوج ازدواجدن اول ، حمل وقوعنه مطلع ایدی ایسه ۲ - اگر تسجیل ولادت مراسمنده اثبات وجود ایتمش وسجل کنیه سی طرفندن امضا ایدلمش ایسه ۳ - اگر دوغان چوجوغلک قابلیت حیاتیه بی حائر اولدینی بیان ایدلمش ایسه ؛ تعبیر دیگرله چوجوق حد ذاتنده صاغ اوله رق دوغمه مش ایسه .

زوج اوله نمزدن اول حرمنك کبه اولدینی بیله بیله اوله نمش ایسه دوغان چوجوغی آرتق رد ایده مز . بودفع مطلق وقطعیدر ، زوج آرتق کندیسنك زوجیه سیله ماده برار بولمادیغنی ویا کبه لك مسأله سنده کندیسنك یا کیلیدیغنی ادعا ایده مز . مع هذا ارکک بدایه چوجوغی رد وانکار ایدر ، والده دخی بونك اوزرینه سکوت ایده رک سجل نفوسه چوجوغلک اولاد طبعیه دن اولدینی تسجیل ایدیلیرسه آرتق والده ، ارککک ازدواجدن اول کبه لکنه واقف اولدینی ادعاسی درمیان ایده مز .

زوجك ازدواجدن اول قادينله صیق صیق کوروشمی ، که لکنه وقوف حقنده اماره کافیه دکلدر . مع مافیه اکثریا وبالخاصه محرم ملاقاتلرده بولونقلرینک شیوعی حاکم ایچون که لکه ارککک وقوفی حقنده اولدجه قناعت بخش برقرینه تشکیل ایده بیلیر .

آلمان قانونی *cohabitation* برلکده بیتوتت حالنه زیاده جه استناد ایتکهله برابر (۱۵۹۱) نجی ماده سنده شو حکملری تدوین ایتکهده در : زوجنه که قالمسی نکاحدن اول ویا نکاحک دوامی ائساننده حاصل اولوبده مدت احتیال ظرفنده زوج ، زوجه سیله برلکده بیتوتت ایتش ایسه بعدالنکاح دوغان چوجوق (مشروع) اعتبار اولنور . احوال وایجاباته نظراً زوجنه قوجاسی طرفندن که براقلمسی آشکار بر صورتده غیر ممکن بولونیورسه دوغان چوجوق (غیر مشروع) عد اولونور . قوجانک مدت احتیال ظرفنده قاریسیله برلکده یاشادیغی یعنی (بیتوتت) ایتدیکی مفروضدر . بزم قانونمزله آلمان قانوننک فرقی شودر که چوجوغلک یوز سکسان کوندن آز برمدنده دوغمنسی حالنده زوجک باشقه هیچ برینه درمیانه مفتقر اولمقسنزین حق ردی بزم قانونه کوره مطلقدره ؛ آلمان قانوننه کوره قوجانک مدت احتیال ظرفنده قاریسیله مشترکاً بیتوتتی اصل اولدیغندن زوجک خلافتی ، صور وادله سائر ايله اثبات ایتمی لازم کله جکدر . بزم قانونمزم کوره اگر برلکده اقامت تحقق ایدرسه یالکزر او وقت ، اصل اولان ، نسبهک صحتیدر . اولیلک موجود ایکن صحیح برنسبهک قرینه لرینی وبونلرک نه وقت کسب ضعف ایدرک نه وقت خلافتنه بینه اقامه ایدیه بیلجهکتنی درجه کفایه ده تدقیق ایتدک . شیمدیده اولیلکک ، نرالی هالنده نسبهک نیرنی کیفیتنی براز تفصیل ایده لم :

شبهه یوق که واضع قانون نسبهک ثبوتی کبی بک مهم بر مسأله ده احتمالاتی ملاحظه ودرپیش ایدرک حکملرینی متخالف اجتهدلره واوزاق تفسیرلره محل وامکان بر اقایه جق صورتده تثبیت ایتک ایسته مشدر . نکاحک فسخی ویا طلاق وتفریق وقوعی ايله زوجین حقیقه ویا حکماً یکدیگرندن ایرلقدن صوکر ا چوجوغلک نسبنی اثبات کیفیتنی ، مفارقتی متعاقب طرفینک وضعیت ومناسبتنده حاصل اولان تشوش ونزاکت اعتباریله براز دها قاریشیق احتمالاته معروضدر . کذلک نکاح سابقک زوالندن صوکر ا شخص آخرله اوله ن قادیندن دوغه جق چوجوغلک مدت حمل واحتیال اعتباریله هرایکی قوجایه نسبنی قابل اولدینی تقدیرده هانکی قوجایه منسوب عد ایدلمسی لازم کله جکتنی تعیین دخی بک مشکدر . بز بومسائی اولیلک زوالنک ، انواعنه کوره تدقیق وتفصیل ایده جکزر .

(۱). اوليايكاك فسخ طريقيله زوالى حالى :

(۱۲۴) نجى ماده موجبنجه اوله نهنك بطلانى آنجق حاكم قراريله حكم افاده ايدر . و (۱۲۵) نجى ماده موجبنجه فسخنه حكم اولونان بر اوله نهنك دوغان چو - چوقلرك نسبي ، بابا و آنلرى حسن يت صاحبي اولماسلر بيله ، صحيح اولور . تعبير ديكرله صحيح ازدواجلرك زوالى حالنده بو ازدواجلردن دوغان چوچوقلر ايچون تطبيق اولونه جق احكام و قواعد بونلر حقننده عينا تطبيق ايديلير ، نكاحك باطل اولسي ، معين قاعده و قرينه لر بالطبع محفوظ قالمق شرطيله ، ثبوت نسب نقطه سندن بر آيريليق تشكيل اتمز . فسخك ثبوت نسب نقطه سندن تاثيريني ده طلاقك ثبوت نسب اعتباريله يابه جنى تاثير ايله برلكنده تدقيق ايدم بيليرز .

(۲) اوليايكاك طلاق طريقيله زوالى حالى :

(آ) شو زوالك وقوعى تاريخندن اعتباراً اوچيوز كون ظرفنده دوغان چوچوق نسبك زوجدن ثابت اولسي ، اعظم مدت حمله نظراً جاي تردد دكلدر . - نصل كه وفات ايدن زوجك دخى تاريخ وفاتندن اعتباراً اوچيوز كون ايچنده دوغان چوچوق كنديسنه نسبت اولونور . -

(ب) طلاق حكمنندن اعتباراً اوچيوز كون كچدكن صوكر ا دوغان چوچوگك نسبي ، ينه مدت حملك اعظمه نظراً زوجدن ثابت اولاماق دخى ديكر بر (اصل) در . - زوجك وفاتندن اعتباراً اوچيوز كون مرور ايتدكن صوكر ا دوغان چوچوگك نسبي حقننده حكم بويله در . -

شايد چوچوق اولمه عقدندن اعتباراً يوز سكسان كوندن آز برمدته دوغارسه ويا چوچوق يوز سكسان كون كچهرك دوغمش اولمله برابر زوج رد نسب ادعاسنده بولونيور ايسه نكاح قائم ايكن حكملرى جارى اولان ۲۴۲ - ۲۴۵ نجى ماده لره توفيق حركت ضرورى اولور .

(۳) رابطه ازدواجك آيريليق حكميله انقطاعى حالى :

(آ) آيريليق دعواسنده طلبك ردى ويا زوجين بيننده ائتلاف وقوعيله تفريق دعواسنك سقوطى تاريخندن اعتباراً يوز سكسان كوندن اول ويا صوكر ا دوغان چوچوق نسبك زوجدن ثبوتى محتاج بيان دكلدر . چونكه مجرد آيريليق دعواسى موجود و مستمر

اولان رابطه نکاحی هیچ بر وجهله اخلاص ایتمه مشدر و چو جوق بر نکاح دائمک بخش
ایتدیکی مشروعیته مقارن دوغمشدر .

(ب) آریلیق دعواسی اوزرینه حاکم (۱۳۸) نجی ماده موجبنه آریلیقه حکم
ایتمش و بوحکم کسب قطعیت ایتمش ایسه حملک زمان وقوعی دوغان چو جوغک انکشافنه
ومت احتیاله نظراً تثبیت ایتک لازم کلیر . اگر بوزمان قادینک ذاتاً قوجاسندن آری
یاشاماسنه حکم اولوندیغی آنلره تصادف ایدیورسه قرینه لر بوسبوتون کسب ضعف ایتمش
اوله جغندن زوج باشقه بینه اقامه سنه مجبور اولمقسزین چو جوغک نسبی رد ایده بیلیر .

(ج) قادینک مدت احتیال ظرفنده قوجاسیله برلکده اقامتی تحقق ایدرسه اووقت
قانونی قرینه ، بینه کسب قوت ایده جکندن اصل اولان نسبی صحتی اولور و زوجک بو
اصلک خلافتی پک قوتلی دلیلرله اثبات ایتمسی ایجاب ایدر .

بوقاریده ده برنبده اشارت ایدلدیکی وجهله (آریلیق) دن مقصد ، حاکم طرفندن
بوشانمه ویا آریلیق دعواسی اوزرینه ویریلان آریلیق حکمی در . مع هذا شاید حاکم ،
طرفینک مسبوق اولان بوشانمه دعواسی اوزرینه برتدیر احتیاطی اولوق اوزره کندیلرینی
آیرمش و زوج ایله زوج مدت احتیال ظرفنده آری مسکنلرده یاشامش اولوبده مؤخرأ
آریله دعواسی رد اولوندیغی ویا ائتلاف وقوعیله تفریق دعواسی ساقط اولدیغی صورته -
چونکه حاکم بوضوئله آری مسکنلرده یاشاملرینی امر ایتمسی زوجین آراسنده و مدت
احتیال ایچنده مقارنت امکاتی سالب فرض اولونه جغندن ، دعوانک ردی ویا ائتلافک
وقوعی تاریخندن اعتبارأ یوز سکسان کوندن دهآ آز برمدت ظرفنده دوغان و جسمی
انکشاف درجه سی اعتباریله هر حالده زوجینک آری یاشامغه مأمور اولدقلری زمان ایچنده
رحمه دوشدیکی محقق بولنان چو جوغک نسبی زوج طرفندن باشقه برینه اقامه سنه مجبور
اولمقسزین رد وانکار اولونه بیلیمک ایجاب ایدر . کذلک اگر آریلیق حکمی بوشانما
حکمه انقلاب ایتمش بولونورسه طرفینک آریلیق حکمیه افتراق ایتدکلری ویا آریلیق
حکمدن اول حاکم امریه یکدیگردن ایرلدقلری تاریخندن اعتبارأ یوز سکسان کوندن
دهآ چوق برمدت ظرفنده دوغان چو جوغک نسبی دخی زوج طرفندن - مدت احتیالک
آریلیق زمانه تماس ایتمسی اعتباریله - رد وانکار اولونه بیلیمسی لازم کلیر .

صاحبی عادل

حقوق مدنییه مدرسلرندن

